

Sakspapir

Saksbehandlar	Arkiv	ArkivsakID
Sveinung Toft	FA - N64	14/565

Saknr	Utval	Type	Dato
034/2014	Kommunestyret	PS	19.06.2014

Prioritering av breidbandprosjekt i Masfjorden

Vedlegg:

Søknad breibandsutbygging - Nasjonal tilskotsordning

Breibandsøknad til post og teletilsynet 2014

RF13.50 - Automatisk kvittering på innsendt søknad 2014-0130

Oversending av utbyggingsprosjekt fibernett på utvalde st

Underlag tilskuddsbehov Masfjorden kommune Juni 2014 FTH Altibox JOL

Breibandsøknad

FTH tidligprosjektering Masfjorden kommune - oppsummering med beregninger

Høyring - utbygging av fibernett i kommunen 5480100

Rådmannen sitt framlegg til vedtak:

Kommunestyret viser til utgreiinga og prioriterer følgjande tre område for utbygging av breidband til heimane:

- **Masfjordnes/ Sandnes**
- **Matre**
- **Hosteland/Nordbygda**

Saksopplysningar:

Bakgrunn

Masfjorden kommune er ein av kommunane i Hordaland som har dårlegast dekningsgrad når det gjeld breiband med grunnleggjande god kvalitet (breiband med høg hastigheit) til husstandar. Det er eit nasjonalt mål å bidra til at alle husstandar får tilbod om godt breiband, og det er no sett av tilskot på statsbudsjettet for å styrka breibandsutbygginga til område der kommersielle tilbydarar ikkje er til stades. Det er Post og teletilsynet som forvaltar tilskotsordninga, og kommunane sender inn søknader via fylkeskommunane sine.

Uttale

Masfjorden kommune kunngjorde på heimesida si dei tre prioriterte områda, og fekk ein merknad innanfor svarfristen som vart sett til 05.06.2014. Denne merknader frå Thor-Ole Vågane av 23.mai 2014 er vist som vedlegg i saka, og han meiner at Hostelandsområdet bør prioriterast høgare. Han viser mellom anna til byggjefelt i Arekletten, og at det er mange hus og hytter på Sleire og i området rundt som ønskjer breiband.

Vurdering

Det er viktig at Masfjorden kommune har ein strategi med omsyn på å prioritera kor ein skal satsa på utbygging av breiband med høg kvalitet til heimane. Ein klar kommunal strategi vil vera viktig for framtidige samarbeidspartnarar innanfor breibandsutbygging og drift, og for Post- og Teletilsynet, når dei skal vurderer kven dei skal gje tilskot til når det gjeld breibandutbygging.

Administrasjonen har drøfta med BKK Fiber AS kva område det er rett å prioritera i første runde med omsyn på å få til utbygging av breiband til heimane. Eit viktig kriterie har vore kostnadseffektivitet med god utnytting av eksisterande infrastruktur som grøfter, stolpar m.m., samt pårekneleg med bærekraftig drift i ettertida, og at det er lokale bedrifter i nærområda som og kan koplast på.

Ein har i sett det som rett å prioritere dei tre områda som alle fungerer som sentre med skule, barnehage og offentlege og private tenester, og som til saman dekkar ca 230 husstandar inkludert enkelte hytter. Å prioritera ned enkelte av desse tre områda, meiner administrasjonen vil vera uheldig, då det vil redusera satsinga nedfelt i kommuneplanen sin samfunnsdel om livskraftige bygder og auka folketal på side 20 og 21. Vidare vil ein visa til at det i desse tre områda er relativt mange husstandar:

- Nordbygda/ Hosteland med ca 61 husstandar
- Matre med ca 53 husstandar
- Masfjordnes / Sandnes med ca 121 husstandar

Når desse områda er bygd ut vil det og vera lettare å få til ei utvikling vidare i andre deler av kommunen. Det kan og hende at det er tettbygde område som kan byggjast ut på kommersielt grunnlag om ein lokal nettutbyggjar får vurdert dette nærmare. Målet må vera å få bygd ut denne viktige infrastrukturen over tid, slik at så mange som mogeleg i alle deler av Masfjorden kommune etter kvart kan få eit stabilt og godt tilbod om digital kommunikasjon. Ved å satsa på dei tre utvalde områda, vil ein etablere tre tyngdepunkt, som det vil vera naturleg å byggja vidare breidband ut frå til andre grender og bygdelag. I tillegg kan det i regi av BKK Fiber eller andre nettutbyggjarar skje utbygging i tilknytning til anna infrastruktur, mellom anna i samband med bygging av nye høgspenlinjer. Det kan og vera mindre område der det er kommersielt grunnlag for utvikling av fibernett. Dette er område kommunen i nært samarbeid med fiberutbyggjar kan drøfta nærmare, t,d, område som Haugsvær, Solheim, Andvik, Duesundøy m.fl.

Konklusjon

Masfjorden kommune prioriterer i første omgang dei tre bygdeseentrene Hosteland, Matre og Masfjordnes for breibandutbygging. Det vert vist til vedlagde notat frå BKK Fiber av 7. mai 2014.

Vert det gjeve tilskot frå Post og Teletilsynet vil saka verta fremja på nytt som eit investeringsprosjekt i regi av Masfjorden kommune.

Kommunestyret - 034/2014

KS - behandling:

Det var 16 medlemmer til stades under handsaming av denne saka.

Ordførar Karstein Totland orienterte.

Røysting:

Tilrådinga frå formannskapet vart samrøystes vedteke.

KS - vedtak:

Kommunestyret viser til utgreiinga og prioriterer følgjande tre område for utbygging av breidband til heimane:

- **Masfjordnes/ Sandnes**
- **Matre**
- **Hosteland/Nordbygda**